

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu člana 29. Zakona o izvršenju budžeta Tuzlanskog kantona za 2012. godinu („Službene novine Tuzlanskog kantona“ broj: 3/12) i Programa raspodjele namjenskih sredstava Ministarstva prostornog uređenja i zaštite okolice za 2012. godinu, a u skladu sa Odlukom o utvrđivanju uvjeta, kriterija i postupaka za raspodjelu namjenskih sredstava iz ekoloških naknada, **Ministarstvo prostornog uređenja i zaštite okolice djelimično poništava javni konkurs za dodjelu sredstava javnim ustanovama iz oblasti obrazovanja i ostalim javnim ustanovama u dijelu koji se odnosi na ostale javne ustanove objavljen u dnevnim novinama „Oslobođenje“ 08.07.2012. godine te objavljuje:**

PONOVLJENI JAVNI KONKURS *za dodjelu sredstava ostalim javnim ustanovama*

1. Predmet javnog konkursa

Predmet javnog konkursa je prikupljanje prijave ostalih javnih ustanova za dodjelu sredstava koji se odnose na provedbu energetskih programa (toplinska izolacija zgrada i zamjena vanjske stolarije) i zaštita i očuvanje biološke i pejzažne raznolikosti.

2. Korisnici sredstava koji imaju pravo na podnošenje prijave

Pravo učešća na javnom konkursu, imaju ostale javne ustanove koje su registrirane u skladu sa zakonom u Tuzlanskom kantonu, a čiji osnivač je Kanton.

3. Uvjeti koji podnosiocima prijave moraju ispunjavati

Projekti ostalih javnih ustanova, koji će se uzeti u razmatranje, dostavljaju se na posebnom obrascu i treba da sadrže:

1. naziv i opis projekta,
2. oblast zaštite okolice na koju se odnosi projekat,
3. ciljeve projekta,
4. vrste aktivnosti koje će se provesti da bi se postigli postavljeni ciljevi,
5. očekivani rezultati,
6. rok realizacije projekta,
7. ukoliko postoji partnerstvo, naziv partnera – druga javna ustanova ili institucija iz javnog sektora sa dokazom o partnerstvu: sporazum, ugovor i slično (sa precizno definisanom vrstom partnerstva i načinom saradnje na projektu) i
8. specifikacija troškova sa visinom sredstava koja se potražuju od Ministarstva (navesti detaljnu specifikaciju) sa obaveznim predračunom od dobavljača.

Neće se uzeti u razmatranje prijave ostalih javnih ustanova:

- koje su dobile finansijsku pomoć od ovog Ministarstva, ako nisu ispunile obavezu pravdanja dodijeljenih sredstava i
- koje ne dostave dokumentaciju za dokazivanje ispunjavanja uvjeta iz člana 4. javnog konkursa i koje ne razrade projekat kako je definirano članom 3. javnog konkursa.

4. Popis dokumenata koje je potrebno priložiti uz prijavu

Ostale javne ustanove dužne su dostaviti slijedeću dokumentaciju kojom dokazuju ispunjavanje uvjeta:

- rješenje o registraciji iz sudskog registra iz kojeg je vidljivo da je osnivač Kanton,
- uvjerenje o poreznoj registraciji i
- projekt (ovjeren i potpisan od strane podnosioca) na posebnom obrascu.

Dokumenti se prilažu u originalu ili ovjerenom kopiji koja ne može biti starija od 6 mjeseci računajući od dana objavljivanja javnog poziva.

5. Osnovni kriteriji odabira

Osnovni kriteriji odabira za ostale javne ustanove su:

- oblast zaštite okolice (do 40 bodova),
- rok realizacije projekta (do 30 bodova) i
- partnerski odnos sa drugom javnom ustanovom ili institucijom iz javnog sektora (do 30 bodova).

6. Vrednovanje projekta

Prijedlog raspodjele sredstava ostalim javnim ustanovama daje komisija imenovana od strane ministra.

7. Opće odredbe

Maksimalan iznos koji se javnoj ustanovi može odobriti za projekt je 30.000 KM. Ostale javne ustanove imaju pravo na javni poziv prijaviti jedan projekt.

Projekti se predaju na adresu:

Tuzlanski kanton
Ministarstvo prostornog uređenja i zaštite okolice
Pisarnica Vlade TK (Slatina br. 2, Tuzla),
(sa naznakom: „ZA JAVNI KONKURS – NE OTVARATI“)

Rok za podnošenje prijave je 8 dana od dana objavljivanja javnog poziva u dnevnim novinama. Javni poziv za dodjelu sredstava ostalim javnim ustanovama zajedno sa propisanim obrascem iz tačke 3. javnog konkursa će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.